



REPUBLIKA E SHQIPËRISË

ENTI RREGULLATOR I ENERGJISË
BORDI

VENDIM

Nr. 50, Datë 02.04.2024

MBI

NJË NDRYSHIM NË VENDIMIN E BORDIT TË ERE-S NR. 287, DATË 09.10.2023

Në mbështetje të nenit 16 të ligjit nr. 43/2015 “Për sektorin e energjisë elektrike” i ndryshuar; pikës 3.5 të Vendimit të Këshillit të Ministrave (VKM) nr. 519, datë 13.07.2016 “Për miratimin e modelit të tregut të energjisë elektrike” i ndryshuar; nenit 3 pika 8 të Rregullores së kërkesave dhe procedurave për përcaktimin e Operatorit të Emëruar të Energjisë Elektrike (NEMO) si dhe rolet e përgjegjësitë e NEMO dhe Operatorit të Sistemit të Transmetimit të Energjisë në tregun e bashkuar, miratuar me vendimin e bordit të Entit Rregullator të Energjisë (ERE) nr. 40, datë 06.03.2020; neneve 15 dhe 19 të Rregullores për organizimin, funksionimin dhe procedurat e ERE-s, miratuar me vendimin e bordit të ERE-s nr. 96, datë 17.06.2016; si dhe “Marrëveshjes kornizë mbi bashkimin e tregjeve të energjisë elektrike të Shqipërisë dhe Kosovës” të datës 21.10.2021, nënshkruar nga Enti Rregullator i Energjisë i Shqipërisë (ERE), Zyra e Rregullatorit për Energji e Kosovës (ZRRE), Operatori i Sistemit të Transmetimit të Shqipërisë (OST sh.a.) dhe Operatori i Sistemit, Transmisionit dhe Tregut të Kosovës (KOSTT sh.a); Bordi i ERE-s, në mbledhjen e tij të datës 02.04.2024, pasi shqyrtoi relacionin me nr. 565/3 prot., datë 29.03.2024, të përgatitur nga Drejtoria e Tarifave dhe Çmimeve, “Mbi një ndryshim në vendimin e bordit të ERE-s nr. 287, datë 09.10.2023”

Konstatohet se:

- Shoqëria “Bursa Shqiptare e Energjisë Elektrike - ALPEX” sh.a. me shkresën nr. 53 prot., datë 31.01.2024, protokolluar me tonën me nr. 565 prot., datë 02.02.2024, ka kërkuar zgjatjen e afatit të aplikimit të listës së tarifave të ALPEX, të miratuara me vendimin e bordit të ERE nr. 287, datë 09.10.2023.
- Në vijmë rezultojnë se shoqëria ALPEX sh.a. me shkresën nr. 53/2 prot., datë 26.02.2024, ka kërkuar që afati për miratimin e Listës së Tarifave në rolin e Operatorit të Emëruar të Tregut të Energjisë Elektrike (NEMO) të zgjatet nga data 31.03.2024 deri më datë 31.08.2024, duke bërë me dije se shoqëria ALPEX sh.a. është në operim në Shqipëri si treg i izoluar që prej datës 11.04.2023 dhe si Treg i Bashkuar me Kosovën nga data 31.01.2024. Kjo kërkesë vjen për arsye se metodologjia për përcaktimin e strukturës së Tarifave të ALPEX është ende në proces shqyrtimi.
- Referuar parashikimeve të “Marrëveshjes kornizë mbi bashkimin e tregjeve të energjisë elektrike të Shqipërisë dhe Kosovës” të datës 21.10.2021, nënshkruar nga Enti Rregullator i Energjisë i Shqipërisë (ERE), Zyra e Rregullatorit për Energji e Kosovës (ZRRE), Operatori i

Sistemit të Transmetimit të Shqipërisë (OST sh.a) dhe Operatori i Sistemit, Transmisionit dhe Tregut të Kosovës (KOSTT sh.a), ka paraqitur këtë kërkesë për shtyrje afati edhe pranë ZRRE-së dhe nga komunikimet me përfaqësuesit e Zyrës së Rregullatorit për Energji të Republikës së Kosovës, kjo kërkesë është miratuar në mbledhjen e ditës 25.03.2024.

- Rezulton se metodologjia e përcaktimit të tarifave të Operatorit të Emëruar të Tregut të Energjisë Elektrike (NEMO) është ende në proces miratimi, ku në zbatim të nenit 6, pikave 6.1 dhe 6.4 të Marrëveshjes Kornizë mbi bashkimin e tregjeve të energjisë elektrike të Shqipërisë dhe Kosovës, të datës 21 tetor 2021, përcakton se ERE duhet të bashkëpunojë me ZRRE për miratimin e Metodologjisë për përcaktimin e tarifave të Operatorit të Emëruar të Tregut të Energjisë Elektrike (NEMO). Në këtë kuptim vlerësojmë se zgjatja e afatit të kërkuar nga shoqëria ALPEX sh.a., është e nevojshme për këtë shoqëri në mënyrë që të mund të vijojë të ushtrojë aktivitetin e saj.

Për gjithë sa më sipër, bordi i ERE-s,

Vendosi:

1. Të ndryshojë pikën 1 të vendimit të bordit të ERE-s nr. 287, datë 09.10.2023, si më poshtë vijon:

Miratimin e “Listës së Tarifave të ALPEX” të cilat do jenë të aplikueshme për Operatorin e Emëruar të Tregut të Energjisë Elektrike (NEMO), deri më 31.08.2024. (Tabela bashkëlidhur)

2. Drejtoria e Tarifave dhe Çmimeve, të njoftojnë shoqërinë Alpex sh.a. dhe palët e interesit për vendimin e bordit të ERE-s.

Ky vendim hyn në fuqi menjëherë.

Çdo palë e përfshirë në këtë procedurë mund t’i kërkojë ERE-s, brenda 7 ditëve kalendarike nga data e marrjes së vendimit, rishikimin e vendimit të bordit në rast se ka siguruar prova të reja që mund ta çojnë bordin në marrjen e një vendimi të ndryshëm nga i mëparshmi apo për gabime materiale të konstatuara. Për këtë vendim mund të bëhet ankim në Gjykatën Administrative Tiranë, brenda 30 ditëve kalendarike nga dita e publikimit në Fletoren Zyrtare.

Ky vendim botohet në Fletoren Zyrtare.

KRYETARE NË DETYRË

Erjola SADUSHI

Lista e Tarifave të ALPEX	Pagesa e tarifës	Referenca në monedhën Euro	Paguhet nga
Tarifa Administrative	Një herë	200 €	Anëtari i Bursës
Tarifa e Anëtarësimit për Anëtarin e Bursës	Një herë	7,000 €	Anëtari i Bursës
Tarifa e Aderimit të Anëtarit të Përgjithshëm të Klerimit	Një herë	5,000 €	Anëtari i Klerimit
Tarifa Vjetore për Anëtarin e Bursës	Vjetore	10,000 €	Anëtari i Bursës
Tarifa Vjetore për Anëtarin Personal të Klerimit	Vjetore	2,000 €	Anëtari i Klerimit
Tarifa Vjetore për Anëtarin e Përgjithshëm të Klerimit	Vjetore	6,000 €	Anëtari i Klerimit
Tarifa Variabël e Tregtimit për MWh	Transaksion	0.070 €	Anëtari i Bursës
Tarifa Variabël e Klerimit për MWh	Transaksion	0.020 €	Anëtari i Bursës
Tarifa e Tregtimit në Emër të Dikujt Tjetër	Urdhërporosi	20 €	Anëtari i Bursës
Tarifa për API Përdorues	Vjetore	2,000 €	Anëtari i Bursës
Mirëmbajtja e Llogarisë së Klerimit për Anëtarin Personal të Klerimit	Mujore	100 €	Anëtari i Klerimit
Tarifa e Administrimit të Letër Garancisë Bankare	Kur depozitohet	50 €	Anëtari i Klerimit
Tarifa vjetore e Trajnimit	Vjetore	200 €	Agjenti Tregtar dhe Klerues
Tarifa e Provimit	Vjetore	100 €	Agjenti Tregtar dhe Klerues
Certifikata digjitale për përdorues	Vjetore	50 €	Anëtari i Bursës / Anëtari i Klerimit

- Për tregun e Shqipërisë të gjitha tarifat do të shlyen në monedhën Euro për jo-rezidentët.
- Për tregun e Shqipërisë të gjitha tarifat fikse do të shlyen në monedhën Lekë.
- Mbi tarifat do të aplikohet TVSH-ja.